

# 大佛頂首楞嚴經 卷六

◎五觀耳根分二

辰二 觀音廣說耳門分三

壬一敍悟緣起分三

巳一 略敍最初修證

癸一值佛稟教

爾時，觀世音菩薩即從座起，頂禮佛足而白佛言：『世尊！憶念我昔無數恒河沙劫，於時有佛出現於世名觀世音。我於彼佛發菩提心，彼佛教我從聞思修入三摩地。』

癸二依教修證分三

壬一總敍圓修

初於聞中，入流亡所；

⑩二別明破陰分五

⑪一圓破色陰超劫濁

所入既寂，動靜二相了然不生。

⑫二圓破受陰超見濁

如是漸增，聞所聞盡；

⑬三圓破想陰超煩惱濁

盡聞不住，覺所覺空；

⑭四圓破行陰超衆生濁

空覺極圓，空所空滅。生滅既滅，寂滅現前，

⑮五圓破識陰超命濁

忽然超越世出世間，十方圓明，獲二殊勝：

一者，上合十方諸佛本妙覺心，與佛如來同一慈力。

二者，下合十方一切六道衆生，與諸衆生同一悲仰。

⑯三由證起用分三

已二 廣明成就功德分三

⑰一明三十二應分三

午一 三十二應

⑱二總明大用所起

世尊！由我供養觀音如來，蒙彼如來授我如幻聞熏聞修金剛三昧。與佛如來同慈力故，令我身成三十二應入諸國土

：

⑲二別明應說之相分三

⑳一現四聖法界

世尊！若諸菩薩入三摩地，進修無漏勝解現圓；我現佛身而爲說法，令其解脫。

若諸有學寂靜妙明，勝妙現圓，我於彼前現獨覺身而爲說法，令其解脫。

若諸有學斷十二緣，緣斷勝性・勝妙現圓；我於彼前，現緣覺身而爲說法，令其解脫。

若諸有學得四諦空，修道入滅・勝性現圓；我於彼前，現聲聞身而爲說法，令其解脫。

### ◎二現六凡法界分

#### ①一成就樂欲

若諸衆生欲心明悟，不犯欲塵・欲身清淨；我於彼前，現梵王身而爲說法，令其解脫。

若諸衆生，欲爲天主統領諸天；我於彼前，現帝釋身而爲說法，令其成就。

若諸衆生，欲身自在遊行十方；我於彼前，現自在天身而爲說法，令其成就。

若諸衆生，欲身自在飛行虛空；我於彼前，現大自在天身而爲說法，令其成就。

若諸衆生，愛統鬼神救護國土；我於彼前，現天大將軍身而爲說法，令其成就。

若諸衆生，愛統世界保護衆生；我於彼前，現四天王身而爲說法，令其成就。

若諸衆生，愛生天宮・驅使鬼神；我於彼前，現四天王國太子身而爲說法，令其成就。

若諸衆生，樂爲人王；我於彼前，現人王身而爲說法，令其成就。

若諸衆生，愛主族姓。世間推讓；我於彼前，現長者身而爲說法，令其成就。

若諸衆生，愛談名言。清淨自居；我於彼前，現居士身而爲說法，令其成就。

若諸衆生，愛治國土。割斷邦邑；我於彼前，現宰官身而爲說法，令其成就。

若諸衆生，愛諸數術。攝衛自居；我於彼前，現婆羅門身而爲說法，令其成就。

若有男子，好學出家。持諸戒律；我於彼前，現比丘身而爲說法，令其成就。

若有女人，好學出家。持諸禁戒；我於彼前，現比丘尼身而爲說法，令其成就。

若有男子，樂持五戒；我於彼前，現優婆塞身而爲說法，令其成就。

若有女子，五戒自居；我於彼前，現優婆夷身而爲說法，令其成就。

若有女人，內政立身。以修家國；我於彼前，現女主身及國夫人命婦大家而爲說法，令其成就。

若有衆生，不壞男根；我於彼前，現童男身而爲說法，令其成就。

若有處女，愛樂處身。不求侵暴；我於彼前，現童女身而爲說法，令其成就。

### ◎二成就厭離

若有諸天，樂出天倫；我現天身而爲說法，令其成就。

若有諸龍，樂出龍倫；我現龍身而爲說法，令其成就。  
 若有藥叉，樂度本倫；我於彼前，現藥叉身而爲說法，令其成就。  
 若乾闥婆，樂脫其倫；我於彼前，現乾闥婆身而爲說法，令其成就。  
 若阿修羅，樂脫其倫；我於彼前，現阿修羅身而爲說法，令其成就。  
 若緊那羅，樂脫其倫；我於彼前，現緊那羅身而爲說法，令其成就。  
 若摩呼羅伽，樂脫其倫；我於彼前，現摩呼羅伽身而爲說法，令其成就。  
 若諸衆生，樂人修人；我現人身而爲說法，令其成就。

若諸非人——有形無形・有想無想，樂度其倫；我於彼前，皆現其身而爲說法，令其成就。

④二結明功由三昧

是名妙淨三十二應・入國土身。皆以三昧聞熏聞修無作妙力，自在成就。

⑤二明十四無畏分三

午一 十四無畏

⑥一總明大用所起

世尊！我復以此聞熏聞修金剛三昧無作妙力，與諸十方三世六道一切衆生同悲仰故，令諸衆生・於我身心獲十四種無畏功德：

⑦二別明施無畏相分五

⑧一總明脫苦無畏

一者，由我不自觀音以觀觀者，令彼十方苦惱衆生，觀其音聲，即得解脫。

◎二別明七難無畏

二者，知見旋復，令諸衆生設入大火・火不能燒。

三者，觀聽旋復，令諸衆生大水所漂・水不能溺。

四者，斷滅妄想・心無殺害，令諸衆生入諸鬼國・鬼不能害。

五者，熏聞成聞，六根銷復同於聲聽，能令衆生臨當被害・刀段段壞，使其兵戈猶如割水・亦如吹光，性無搖動。

六者，聞熏精明・明徧法界，則諸幽暗性不能全，能令衆生藥叉、羅刹、鳩槃茶鬼及毘舍遮、富單那等，雖近其傍・目不能視。

七者，音性圓銷，觀聽返入・離諸塵妄，能令衆生・禁繫枷鎖所不能著。

八者，減音圓聞・徧生慈力，能令衆生經過險路・賊不能劫。

◎二別明二毒無畏

九者，熏聞離塵・色所不劫，能令一切多姪衆生遠離貪欲。

十者，純音無塵，根境圓融・無對所對，能令一切忿恨衆生離諸瞋恚。

十一者，銷塵旋明，法界身心猶如瑠璃・朗徹無礙，能令一切昏鈍性障諸阿顛迦・永離癡暗。

◎四別明二求無畏

十二者，融形復聞，不動道場。步入世間，不壞世界，能偏十方供養微塵諸佛如來，各各佛邊爲法王子，能令法界無子衆生欲求男者，誕生福德智慧之男。

十三者，六根圓通，明照無二，含十方界，立大圓鏡空如來藏，承順十方微塵如來祕密法門受領無失，能令法界無子衆生欲求女者，誕生端正福德柔順衆人愛敬有相之女。

#### ◎五結明持名無畏

十四者，此三千大千世界百億日月，現住世間諸法王子有六十二恒河沙數，修法垂範教化衆生，隨順衆生方便智慧，各各不同。由我所得圓通本根發妙耳門，然後身心微妙含容周遍法界，能令衆生持我名號，與彼共持六十二恒河沙諸法王子，一人福德正等無異。

世尊！我一名號，與彼衆多名號無異。由我修習得真圓通。

#### ◎二結明福備衆生

是名十四施無畏力，福備衆生。

#### ◎三明四不思議無作妙德分二

#### 午三 四不思議

##### ①一總明大用所起

世尊！我又獲是圓通修證無上道故，又能善獲四不思議無作妙德：

##### ②二別明不思議相分四

##### ③一現容不思議

一者，由我初獲妙妙聞心，心精遺聞，見聞覺知不能分隔，成一圓融清淨寶覺。故我能現衆多妙容，能說無邊祕密

神咒。其中或現：一首三首五首七首九首十一首，如是乃至一百八首千首萬首八萬四千燦迦羅首；二臂四臂六臂八臂十臂十二臂十四十六十八二十至二十四，如是乃至一百八臂千臂萬臂八萬四千母陀羅臂；一目三目四目九目，如是乃至一百八目千目萬目八萬四千清淨寶目。或慈或威，或定或慧，救護衆生得大自在。

#### ◎二說呪不思議

二者，由我聞思脫出六塵，如聲度垣不能爲礙。故我妙能現一一形。誦一一呪，其形其呪能以無畏施諸衆生。是故十方微塵國土，皆名我爲施無畏者。

#### ◎二受供不思議

三者，由我修習本妙圓通清淨本根，所遊世界，皆令衆生

捨身珍寶，求我哀愍。

#### ◎四與供不思議

四者，我得佛心，證於究竟。能以珍寶種種供養十方如來，傍及法界六道衆生。求妻得妻，求子得子，求三昧得三昧，求長壽得長壽，如是乃至求大涅槃得大涅槃。

#### ◎二牒證結答

#### 已三 結顯圓通名號

佛問圓通，我從耳門圓照三昧，緣心自在，因入流相得三摩提，成就菩提，斯爲第一。

世尊！彼佛如來歎我善得圓通法門，於大會中，授記我爲觀世音號。由我觀聽十方圓明，故觀音名徧十方界。』

#### ◎四放光現瑞總印

#### 卯三 光瑞齊現

爾時，世尊於師子座，從其五體同放寶光，遠灌十方微塵

如來及法王子諸菩薩頂。彼諸如來亦於五體同放寶光，從微塵方來灌佛頂，並灌會中諸大菩薩及阿羅漢。林木池沼皆演法音，交光相羅。如寶絲網。是諸大眾得未曾有，一切普獲金剛三昧。即時天雨百寶蓮華，青黃赤白。間錯紛糅，十方虛空成七寶色。此娑婆界，大地山河俱時不現，唯見十方微塵國土合成一界，梵唄詠歌自然敷奏。

◎五佛敕文殊簡擇分三

○一佛敕文殊

丑七 由文殊代當機選

耳門爲圓通本根

於是如來告文殊師利法王子：『汝今觀此二十五無學諸大菩薩及阿羅漢，各說最初成道方便，皆言修習真實圓通；彼等修行，實無優劣。前後差別。我今欲令阿難開悟，二

十五行誰當其根？兼我滅後，此界衆生入菩薩乘求無上道，何方便門得易成就？』

○二受命簡擇分二

○一敍儀

文殊師利法王子奉佛慈旨，即從座起。頂禮佛足，承佛威神說偈對佛：

○二正說分一

○一頌真如不變之體以標真源

『覺海性澄圓，圓澄覺元妙，

○二頌真如隨緣之能以明染淨分二

○一頌隨染緣從源出流

元明照生所，所立照性亡。

迷妄有虛空，  
想澄成國土，  
依空立世界；  
知覺乃衆生。

⑤二頌隨淨緣從流遡源分二

⑥一總顯滅妄歸真  
空生大覺中，  
有漏微塵國，  
如海一漚發；  
漚滅空本無，  
皆依空所生。  
況復諸三有？

⑦二別明歸真方便分二

⑧一總示方便須擇  
歸元性無二，  
聖性無不通，  
順逆皆方便；  
初心入三昧，  
方便有多門。  
遲速不同倫。

⑨二正爲選方便門分二

⑩一簡非分四  
色想結成塵，  
如何不明徹，  
精了不能徹，  
於是獲圓通？  
音聲雜語言，  
一非含一切，  
但伊名句味，  
云何獲圓通？  
香以合中知，  
不恒其所覺，  
離則元無有，  
云何獲圓通？  
味性非本然，  
其覺不恒一，  
要以味時有，  
云何獲圓通？  
觸以所觸明，  
無所不明觸，  
無所不觸，

合離性非定，  
法稱爲內塵，  
能所非徧涉，

云何獲圓通？

◎二簡五根

見性雖洞然，  
四維虧一半，  
鼻息出入通，  
支離匪步入，  
舌非入無端，  
味亡了無有，  
身與所觸同，  
涯量不冥會，

明前不明後，

云何獲圓通？

現前無交氣，

云何獲圓通？

因味生覺了，

云何獲圓通？

各非圓覺觀，

云何獲圓通？

知根雜亂思，

湛了終無見，

想念不可脫，

云何獲圓通？

◎二簡六識

識見雜三和，  
自體先無定，  
心聞洞十方，  
初心不能入，  
鼻想本權機，  
住成心所住，  
說法弄音文，  
名句非無漏，  
持犯但束身，

詰本稱非相，

云何獲圓通？

生於大因力，

云何獲圓通？

祇令攝心住，

云何獲圓通？

開悟先成者，

云何獲圓通？

非身無所束，

元非偏一切，  
神通本宿因，  
念緣非離物，

云何獲圓通？  
何關法分別？  
云何獲圓通？

◎四箇七大

若以地性觀，  
有爲非聖性，  
若以水性觀，  
如如非覺觀，  
若以火性觀，  
非初心方便，  
若以風性觀，  
對非無上覺，

堅礙非通達，  
云何獲圓通？  
想念非眞實，  
云何獲圓通？  
厭有非眞離，  
云何獲圓通？  
動寂非無對，  
云何獲圓通？

若以空性觀，  
無覺異菩提，  
若以識性觀，  
存心乃虛妄，  
諸行是無常，  
因果今殊感，

昏鈍先非覺，  
云何獲圓通？  
觀識非常住，  
云何獲圓通？  
念性元生滅，  
云何獲圓通？

◎二顯是分七

◎一泛明此土人道所宜  
我今白世尊：  
此方真教體，  
欲取三摩提，

佛出娑婆界，  
清淨在音聞；  
實以聞中入。

◎二約明離苦得樂人法

離苦得解脫，  
於恒沙劫中，  
得大自在力，  
妙音、觀世音、  
救世悉安寧，  
良哉觀世音！  
入徵塵佛國，  
無畏施衆生。  
梵音、海潮音，  
出世獲常住。

◎二正明觀音所修法門  
我今啓如來，  
譬如人靜居，  
十處一時聞，  
目非觀障外，  
身以合方知，  
隔垣聽音響，  
如觀音所說。  
十方俱擊鼓，  
此則圓真實。  
口鼻亦復然。  
心念紛無緒。  
遐邇俱可聞；

五根所不齊，  
音聲性動靜，  
無聲號無聞，  
聲無既無滅，  
生滅二圓離，  
縱令在夢想，  
覺觀出思惟，  
是則通真實。  
聞中爲有無；  
非實聞無性。  
聲有亦非生；  
是則常真實。  
不爲不思無，  
身心不能及。

◎四壽勅當機諦學行分三

○一示其合機

今此娑婆國，  
衆生迷本聞，  
阿難縱強記，  
聲論得宣明，  
循聲故流轉。  
不免落邪思；

豈非隨所淪。  
○二勸其善修  
阿難汝諦聽！  
宣說金剛王。  
佛母真三昧。  
一切祕密門，  
畜聞成過誤。  
何不自聞聞？  
因聲有名字；  
能脫欲誰名？  
六根成解脫。  
三界若空華。

旋流蕩無妄？  
我承佛威力，  
如幻不思議。  
汝聞微塵佛，  
欲漏不先除。  
將聞持佛佛，  
聞非自然生。  
旅聞與聲脫，  
一根既返源。  
見聞如幻翳，  
聞復翳根除。

塵銷覺圓淨；  
寂照含虛空。  
猶如夢中事。  
誰能留汝形？  
幻作諸男女，  
要以一機抽。  
諸幻成無性。  
元依一精明，  
一處成休復。  
塵垢應念銷，  
餘塵尙諸學，

淨極光通達，  
卻來觀世間。  
摩登伽在夢，  
如世巧幻師。  
雖見諸根動，  
息機歸寂然。  
六根亦如是，  
分成六和合；  
六用皆不成。  
成圓明淨妙；  
明極即如來。

○二結其真實

大衆及阿難！  
返聞聞自性，  
圓通實如是。

旋汝倒聞機，  
性成無上道，

◎五歡美法勝以寓勸修  
此是微塵佛。一路涅槃門。  
過去諸如來，斯門已成就；  
現在諸菩薩，今各入圓明；  
未來修學人，當依如是法。  
我亦從中證，非唯觀世音。

◎六述成佛意結示簡選  
誠如佛世尊，詢我諸方便，  
以救諸末劫。求出世間人。

成就涅槃心，觀世音爲最。  
自餘諸方便，皆是佛威神。  
即事捨塵勞，非是長修學。  
淺深同說法。

◎七頂禮請加以明真實  
頂禮如來藏，無漏不思議，  
願加被未來，於此門無惑。  
方便易成就，堪以教阿難。  
及末劫沈淪，但以此根修。  
圓通超餘者，真實心如是。

◎二時衆獲益

丑八 叙阿難洎大衆聞  
法主說圓通利益

於是阿難及諸大眾身心了然，得大開示，觀佛菩提及大涅槃。猶如有人因事遠遊未得歸還。明了其家所歸道路。普會大眾，天龍八部。有學二乘。及諸一切新發心菩薩，其數凡有十恒河沙，皆得本心。遠塵離垢。獲法眼淨。性比丘尼聞說偈已，成阿羅漢。無量衆生，皆發無等等阿耨多羅三藐三菩提心。

## ㊱ 一 爲末世示道場方法分二

己二 追爲末世重宣戒  
咒分一

## ① 一 陳請

## 庚一 並問攝心遠魔

阿難整衣服，於大眾中合掌頂禮。心迹圓明，悲欣交集。欲益未來諸衆生故，稽首白佛：『大悲世尊！我今已悟成佛法門，是中修行得無疑惑。常聞如來說如是言：「自未

得度。先度人者，菩薩發心；自覺已圓能覺他者，如來應世。」我雖未度，願度末劫一切衆生。世尊！此諸衆生去佛漸遠，邪師說法如恒河沙，欲攝其心入三摩地，云何令其安立道場。遠諸魔事？於菩提心得無退屈？』

## ② 一 讀許

爾時，世尊於大眾中稱讚阿難：『善哉！善哉！如汝所問安立道場。救護衆生末劫沈溺，汝今諦聽，當爲汝說。』阿難，大眾，唯然奉教。

## ③ 二 宣說分二

## 庚二 歷說持戒誦咒分一

## ㊳ 一 明根本戒法分二

## 辛一 誠持心戒分一

## ㊴ 一 總顯二學以戒爲本

## 壬一 提敍二無漏學

佛告阿難：『汝常聞我毘奈耶中。宣說修行三決定義。所

謂攝心爲戒，因戒生定，因定發慧，是則名爲三無漏學。

』

◎二別示四重以彰無漏分

王二 歷說四決定戒 分二

◎一牒徵

癸一 總徵

阿難！云何攝心我名爲戒？

◎二詳示分四

癸二 別說分四

◎一婬戒

子一 戒婬

若諸世界六道衆生，其心不婬，則不隨其生死相續。汝修三昧。本出塵勞，婬心不除。塵不可出。縱有多智。禪定現前，如不斷婬，必落魔道——上品魔王。中品魔民。下品魔女。彼等諸魔亦有徒衆，各各自謂成無上道。我滅度後。末法之中，多此魔民熾盛世間，廣行貪婬。爲善知識，令諸衆生落愛見坑。失菩提路。汝教世人修三摩地，先斷心婬，是名如來先佛世尊第一決定清淨明晦。

是故，阿難！若不斷婬修禪定者，如蒸砂石欲其成飯，經百千劫祇名熱砂。何以故？此非飯本，砂石成故。汝以婬身求佛妙果，縱得妙悟。皆是婬根。根本成婬，輪轉三途。必不能出。如來涅槃。何路修證？必使婬機身心俱斷，斷性亦無，於佛菩提斯可希冀。如我此說，名爲佛說；不如此說，即波旬說。

◎二殺戒

子二 戒殺

阿難！又諸世界六道衆生，其心不殺，則不隨其生死相續。汝修三昧。本出塵勞，殺心不除。塵不可出。縱有多智。禪定現前，如不斷殺，必落神道——上品之人爲大力鬼

• 中品則爲飛行夜叉諸鬼帥等。下品當爲地行羅刹。彼諸鬼神亦有徒衆，各各自謂成無上道。我滅度後末法之中，多此鬼神熾盛世間，自言食肉得菩提路。

阿難！我令比丘食五淨肉，此肉皆我神力化生，本無命根。汝婆羅門，地多蒸濕，加以砂石，草木不生；我以大悲神力所加，因大慈悲假名爲肉，汝得其味。奈何如來滅度之後，食衆生肉，名爲釋子？汝等當知，是食肉人縱得心開似三摩地，皆大羅刹，報終必沈生死苦海，非佛弟子。如是之人，相殺相呑相食未已，云何是人得出三界？汝教世人修三摩地，次斷殺生，是名如來先佛世尊第二決定清淨明誨。

是故，阿難！若不斷殺修禪定者，譬如有人自塞其耳。高

聲大叫，求人不聞，此等名爲欲隱彌露。清淨比丘及諸菩薩，於岐路行，不蹋生草，況以手拔？云何大悲，取諸衆生血肉充食？若諸比丘不服東方絲綸絹帛，及是此土靴履裘毳乳酪醍醐，如是比丘於世真脫，酬還宿債不遊三界。何以故？服其身分皆爲彼緣。如人食其地中百穀，足不離地。必使身心，於諸衆生若身、身分，身心二途不服不食，我說是人真解脫者。如我此說，名爲佛說；不如此說，即波旬說。

◎二盜戒

子三 戒欺世偷

阿難！又復世界六道衆生，其心不偷，則不隨其生死相續。汝修三昧，本出塵勞，偷心不除，塵不可出。縱有多智，禪定現前，如不斷偷，必落邪道。上品精靈，中品妖

魅・下品邪人・諸魅所著。彼等群邪亦有徒衆，各各自謂成無上道。我滅度後末法之中，多此妖邪熾盛世間，潛匿奸欺・稱善知識，各自謂己得上人法。該惑無識・恐令失心，所過之處・其家耗散。我教比丘循方乞食，令其捨貪，成菩提道。諸比丘等不自熟食，寄於殘生・旅泊三界，示一往還・去已無返。云何賊人假我衣服・裨販如來？造種種業・皆言佛法，卻非出家具戒比丘爲小乘道。由是疑誤無量衆生，墮無間獄。若我滅後，其有比丘發心決定修三摩提，能於如來形像之前，身然一燈・燒一指節・及於身上爇一香炷，我說是人無始宿債一時酬畢，長揖世間，永脫諸漏。雖未即明無上覺路，是人於法已決定心。若不爲此捨身微因，縱成無爲・必還生人酬其宿債。如我馬麥

，正等無異。汝教世人修三摩地，後斷偷盜，是名如來先佛世尊第三決定清淨明誨。

是故，阿難！若不斷偷修禪定者，譬如有人水灌漏卮・欲求其滿，縱經塵劫終無平復。若諸比丘，衣鉢之餘分寸不畜，乞食餘分・施餓衆生，於大集會合掌禮衆，有人捶置・同於稱讚。必使身心二俱捐捨，身肉骨血與衆生共。不將如來不了義說迴爲己解・以誤初學。佛印是人得眞三昧。如我所說，名爲佛說；不如此說，即波旬說。

#### ◎四大妄語戒

#### 子四 戒大妄語

阿難！如是世界六道衆生，雖則身心無殺盜淫——三行已圓，若大妄語，即三摩地不得清淨，成愛見魔・失如來種。所謂未得謂得・未證言證，或求世間尊勝第一。謂前人

言：我今已得須陀洹果、斯陀含果、阿那含果、阿羅漢道、辟支佛乘、十地地前諸位菩薩。求彼禮懶・貪其供養，是一顛迦，銷滅佛種，如人以刀斷多羅木。佛記是人永殞善根・無復知見，沈三苦海・不成三昧。我滅度後，敕諸菩薩及阿羅漢，應身生彼末法之中作種種形・度諸輪轉：或作沙門、白衣居士、人王、宰官、童男童女，如是乃至姪女、寡婦、奸偷、屠販，與其同事・稱讚佛乘，令其身心入三摩地。終不自言我真菩薩、真阿羅漢，泄佛密因，輕言未學。唯除命終・陰有遺付。云何是人惑亂衆生・成大妄語？

汝教世人修三摩地，後復斷除諸大妄語，是名如來先佛世尊第四決定清淨明誦。

是故，阿難！若不斷其大妄語者，如刻人糞爲旃檀形，欲求香氣・無有是處。我教比丘直心道場，於四威儀一切行中尙無虛假，云何自稱得上人法？譬如窮人妄號帝王，自取誅滅。況復法王，如何妄竊？因地不真，果招紓曲。求佛菩提，如噬臍人，欲誰成就？若諸比丘心如直絃，一切真實，入三摩地永無魔事。我印是人：成就菩薩無上知覺。如我所說，名爲佛說；不如此說，即波旬說。

大佛頂首楞嚴經 卷六